

Alec Baldwin ta demanda pa persecucion malicioso despues cu hues ta retira caso den su contra

(AP) - Actor Alec Baldwin a entrega un demanda civil pa persecucion malicioso y violacionnan di derechonnan civil den e tiro fatal di cinematografo riba set di grabacion pa e pelicula "Rust."

E demanda entrega diahuebs na corte di districto na Santa Fe, unda un hues den juli a retira e caso di homicidio involuntario contra Baldwin den e fayecimento di cinematografo Halyna Hutchins.

Baldwin tambe ta acusa difamacion den e demanda, bisando cu e fiscalnan y investigadornan intencionalmente a maneha incorrectamente evidencia mientras nan tabata persigui e caso.

E acusadonan nombra den e demanda ta fiscal special Kari Morrissey y Santa Fe District Attorney Mary Carmack-Altwies, conhuntamente cu 3 investigador for di Santa Fe County su cuerpo policial y e directiva di comisario.

"E acusadonan a busca tur



manera pa culpa Baldwin pa e actonan y negligencia di otro nan, sin importa e evidencia of ley," e demanda ta acusa. Tambe e ta bisa cu fiscalnan y investigadornan a bay contra Baldwin pa ganashi politico of financiero.

Hutchins a fayece como despues di a ricibi su heridan durante practica pa e pelicula den october 2021 net pafu di Santa Fe, New Mexico. Baldwin, ken tabata e actor principal, a apunta un arma di candela contra Hutchins ora cu esaki a dis-

para, causando e fayecimento di Hutchins y heridando e director Joel Souza. Baldwin a bisa cu e no a primi pa los tiro.

Baldwin su huicio a keda stroba pa revelacionnan cu e municion a ser hiba na Santa Fe su departamento di polis den maart pa un homber ken a bisa cu esaki por ta relaciona na e asesinato di Hutchins.

Fiscalnan a bisa cu nan a declara cu e municion no tabata relaciona ni importante pa e caso, mientras cu Baldwin su

abogadonan ta bisa cu e investigadornan a "dera" e evidencia den un caso separa y a entrega un mocion exitoso pa retira esaki.

Morrissey a bisa cu el a haya sa mas cu un aña atras cu Baldwin tabatin un demanda bao consideracion.

"Den october di 2023 e ekipo di fiscal a haya sa cu Mr. Baldwin tabatin e intencion di entrega un demanda civil," el a conta The Associated Press. "Nos ta prepara pa nos dia den corte."

Carmack-Altwies y Santa Fe su departamento di polis no a responde inmediatamente na peticion pa comentario. Baldwin su demanda ta argumenta cu e fiscalnan no mester tin inmunidad den nan rolnan oficial. E procurador general di e estado a nenga persigui un apelacion na e retiro di e caso, causando cu esaki a keda completamente cera den December.

Por separa, e tiro involuntario a causa un condena na

un huicio aña pasa contra e supervisor di arma di candela Hannah Gutierrez-Reed. E ta cumpliendo un condena maximo di 1 aña y mey na prizon di estado.

E demanda di Baldwin tambe ta critica un fiscal special cu inicialmente a monitor e investigacion, mientras cu e tabata pidi dañonan no especifica, compensacion di dañonan, cubri e gasto di abogadoan y interes.

E ta agrega na un cantidad di litigacion post-huicio, aunke Baldwin a bolbe na presentacionnan comico riba "Saturday Night Live" cu plan na caminda pa un show di television cu su casa Hilaria y nan 7 yiu.

E mayornan y ruman chikito di Hutchins a demanda Baldwin y otro productornan di Rust den corte di estado di New Mexico. Un acuerdo a ser yega den demanda di Hutchins su viudo y yiu homber.

Secuencia di banda pa prefinals di Aruba Caiso & Soca Monarch 2025

Prefinals lo tuma lugar dia 14, 15 y 16 di januari 2025 na Centro di Bario Brazil

Un total di 18 banda a inscribi pa Aruba Caiso & Soca Monarch 2025. ACSM2025 Prefinals lo tuma lugar riba diamars 14 di januari, diaranson 15 di januari y diahuebs 16 di januari na Centro di Bario Brazil.

Stichting Musica ta sumamente satisfecho cu e cantidad di banda y artista cu a inscribi y ta anticipa cu un variacion grandi di produccion den genero di Soca lo wordo presenta. E Prefinals lo conta cu participacion di ambos veterano y "rookies".

E organisacion ta gradici e bandanan cu tey tur aña pa sostene y participa na e festival. Tambe, ta yama bonbini na artistanan nobo y esnan cu tin algun tempo sin participa na e festival. Cada banda y artista tin nan mesun zjeito y sonido, y netamente esaki ta loke ta haci e festival aki na Aruba asina dushi; na final di dia lo tin un ritmo y estilo di Soca pa cada ken su gusto, sea si esaki ta trece nostalgia cu un carisma di e "Roadmarch"



di algun decada atras of ta energetico y cu un sonido cu inspiracion internacional.

Den palabra di e presidente di Stichting Musica, sra. Edwina Werleman: "May the best one win!"

Durante un anochi masha placentero na TRYP by Wyndham, e Band Leaders y artistanan presente a disfruta di un Soca Tryp cocktail y a trek lot pa dicta e secuencia

den cual e bandanan lo bay.

Prefinals Dia 1 – diamars 14 di januari

- #1 - THE GANG
- #2 - SHINE MUSIC
- #3 - DLS
- #4 - SUONA
- #5 - OREO
- #6 - IMPAK 4PLAY

Prefinals Dia 2 – diaranson 15 di januari

- #1 - PHENOMENON
- #2 - GOOD TIMES

- #3 - BULERIA
- #4 - AZUCAR
- #5 - 'N FUZION
- #6 - DURO

Prefinals Dia 3 – diahuebs 16 di januari

- #1 - YX3M
- #2 - HOT ONES BAND
- #3 - GROOVE MASTERS
- #4 - D'ISLANDERZ
- #5 - TSUNAMI
- #6 - ZETA BAND

Stichting Musica ta gradici

SETAR NV pa su aporte y tambe Aruba Tourism Authority, Aruba Airport Authority, Chill y Elite Productions & Entertainment pa nan sosten.

Henter pueblo di Aruba ta invita pa atende e Prefinals otro siman na Centro di Bario Brazil pa asina cuminsa los e cintura y e heupnan mientras ta disfruta di nos talentonan musical.